


南  
校  
州



序

從古鼎革上際罔不



藉師卷臣所乙酉方

州戎

大清鼎岡山杉系類傳



歷 關

駟鐵省聲薪梗余謁

承 兩臺公祖疏薦

劫

見未浹旬即司督學

江南山復以精學

伯 齋人然道墨夾駃

驅入彭城慶林陵界


景物上清佳江在生

考 朋与齐舟車上坐



上莫不觸上而成色  
吟上而成聲與會所  
至聊寫界于一系計  
界自工好醜亦系計  
譜者山妍勢其至于

校醫上觀平凡分上  
炳蔚斯武然青錄在  
考籍主八譜





南校州

晉濩澤陳昌言道莊父著

樂府

長相思

長相思在淮陽客恨悠悠付一床  
淒淒蛩覺簟先涼黃昏幾度燼  
花落中夜披衣坐長歎五更百  
舌來枝頭滿院啼蛩不自由  
空梁饑鼠走無休雲山欲到夢  
難成千絲

南  
白髮憂心抽長相思使人愁

五言古

九月朔二日維揚道上感懷

念昔山居日耦耕愧未能而今臨水上結  
網意徒膺山水正自佳浮生苦葛藤常帶  
三分病時懷一片雲亂緒如絲雜焦心似  
火焚憂來無以解薄酌易成醺登車悲落  
日望月待華升客子艱宵寐家僮報風興  
行脚何時已怎如一箇僧殘編恐魚蠹荒



園盼主人池荷嬌應滿籬菊藥當新瑯玕  
結鳳實虬榦長龍鱗一區如掌大頗具水  
山情忽聽北歸雁翻思弟與兄田廬差足  
止何必到公卿

七言古

渡黃河

丁卯曾渡禹門今乙酉再渡

十七年前禹門過今日桃源再渡河天上  
黃流猶似舊世界頭顱改換多

山陽秋日懷憂

二首

萬葉逢秋各別枝獨憐憂草轉離離任他  
西風吹不去不待東風日夜滋



有草有草寒不彫偏于愁地長根牢不知  
此木誰人種變得青絲成白毛

到揚州

滔滔春色廣陵多偏我來時數已過長天  
極目空餘水萬事元來一逝波

南行述古感懷

自訟陳人太不堪無端江北又江南  
灘水曾聞彭祖井彭城鉢池惟羨子喬庵淮陰隋苑

迷樓原是夢

廣陵

潤城鐵甕亦爲慙

潤州

角里

先生風自古

蘇

延陵君子足稱男

吳陵

華泖

尊鱸非我思

霽

白門煙草笑人貪

秣陵

江聲

嶽色都成恨弔古傷今不勝慙



五言律

淮署聞百舌鳥鳴松上時有元兒入  
泮報寫意

長松來小鳥百轉向高枝出谷洵堪喜遷  
喬應有時參差新羽翼次第看飛移還養  
凌風翮春秋任所之

維揚道中

路入廣陵隄蒼茫雲水迷草棚岸盡綠秋



熟稻盈畦舟泛疾于馬興行遲苦泥遙看  
十里外烟起識人栖

渡江

江上生秋色澄澄碧萬重水同雲共湛天  
與岸相從浩瀚驚舟客烟波樂釣儂于戈  
悲滿地不勝憶元龍

七言律

過邵伯湖

繞屋溪流四面圍人家住在翠微磯湖光  
百頃天連碧稻熟千畦水共肥不斷帆檣  
牕外渡無邊雲影室中飛獨憐亂後多星  
散驚去哀鴻半未歸

過維揚有感

廣陵春色被塵埃一片烟花化作灰水鎖





P7



殘城幽帶恨風吹荒堞淡多摧隋宮漫歎  
當年燼漢室方悲今日災月落烏啼哀萬  
戶歌兒舞女幾能迴

過姑蘇

春帆三月過姑蘇五十年來始識吳岸濶  
流長平似練水村烟景畫難圖茶山竹塢  
洵然異花氣鶯聲果是殊影入波光增感  
慨慙將面貌對江湖

五言絕

中秋淮上有感

客况酒偏宜風清月白期休言南北遠胡  
越一家時

中秋同諸友看桂花

露冷銀花徹風清丹桂香坐花共醉月不  
意在淮揚



七言絕

宿遷湖中晚景

二首

一派湖光接太空  
烟雲縹靄有無中  
向晚夕陽返照處  
霞暉散作萬般紅

二

日暮風清湖水平  
烟霞影裏棹歌聲  
漁家燈火遙相照  
疑是星光落落明

湖中曉望

二首



夜來身在水雲鄉  
曉望船頭百頃光  
烟樹人家畫不得  
卜居願住此之方

二

風恬波澄水不流  
烟邨四望盡船頭  
漁舟點綴湖光好  
圖畫天開喜在秋

聞蛩

行次桃源大火流  
如何促織滿床頭  
想應時物知寒早  
故爾悲鳴不自由

聞百舌鳥

淮署栖栖心似旌  
松間歌鳥日來鳴  
百般巧囀驚人聽  
疑是山陽笛裏聲

中秋淮上有感

淮水湯湯仍昔流  
烽烟南北苦無休  
花深臥閣今何似  
對月銜杯不勝愁

宿平橋觀音菴值風雨

二首

馳驅夜半到平橋  
大士卓菴淮水腰  
空爾



暫停車馬轍無端風雨又瀟瀟

二

驛路蕭條官署荒居停半借遠公房于今  
乃信空王大堪歎浮生枉自忙



吳縣知縣門生汪燾南梓

明崇禎七年甲戌進士任清官江南提學道

